



UNIVERSITÄTS-
BIBLIOTHEK
PADERBORN

**Vitæ Sanctorum Sacris per singulos anni dies
Meditationibvs illustratæ**

Paderbornæ, 1697

S. Jacobus Apostolus. 25. Julii.

[urn:nbn:de:hbz:466:1-62968](#)

60) 60 (o 60)

Deus meus sine me felix es; at ego sine te infelix.
Deus nostrâ servitute non indiget, nos illius dominatione in-
digemus. August.

S. JACOBUS Apostolus.

25. Julii.

*Pacem relinquo vobis; pacem meam
do vobis, non quomodo mundus
dat ego do vobis, non turbetur cor
vestrum neque formidet.* Joh. cap. 14.

Laudes JACOBI scripturo pennam ultrò
JACOBI volucres ingerunt. Audi juven-
tus, & Patronum tuum mecum lauda. Ibant
Conjuges pii Compostellam, & trahebant
pietatis suæ comitem filium forma liberali ju-
venem. O ut periculose Castitas peregrina-
ris! Hospitis filia oculis capta adolescentis, ca-
pere etiam ipsum nititur. Evadit hic mulie-
bris amoris laqueos, sed non odii. Subdola
enim inter sarcinulas castissimi aureum cra-
terem condit, & abeuntem defurto accusat.
Damnatur, dicitur, & in crucem tollitur;
sed non moritur innocentia. Dum enim mæ-
sti parentes iter relegunt, dum ægrè & pedes
trahunt & animas, senectutis scipione filio
amisso

amisso, dum frui illos vel pendentis aspectū juvat, ecce ab infelici arbore filius: quid lacrymis vivo parentas Mater? vivo Dei Matre & JACOBO succollantibus, i, Judici dic, ne damnare perget; quem mors absolvit. Vix hæc ille ad Matrem, cùm Mater hoc ad judicem mensæ accumbentem. Hic, tam scilicet filius tuus vivit, quām assus hic cum Gallina sua Gallus, qui laetus unctusque sepulchrum stomachum exspectat. Jam carpere parabat, cum Gallus & Gallina in vitam se erigunt, Innocentiæ victrixi alis applaudunt. Gallus etiam pæana canit: Ergo damnat se ipsum iudex, & innocentem missum facit, volucrum verò proles posthuma etiam hodie plumas suas cum laudibus IACOBI in omnem orbem spargit, nunquam omnes, licet tot quotidie vellent evellendas. *Ex L. Mariano. l. 5. de red. Hisp. c. ult.*

MEDITATIO *In vitam S. Jacobi.*

I. Simul ac S. Iacobus Iesu vocem audivit, naviculam, retia, patrem omnia denique reliquit. Jam dudum vocat te Iesus ad sanctiorem vivendi modum? athujus mundi vinculis irretitus, cupiditatibus nimirum, divitiis & aliis id genus nugis, Iesum vo- cantem non sequeris. Age rumpere vincula, expedi te quam-

quamprimum negotiis quibus ligaris, ea enim minus
decent hominem qui creatus est ad amandum unum
Deum.

2. Is Apostolus multo cum labore ad animarum
salutem incumbens, parum proficiebat; atta-
men voluntatem suam ad divinam accommo-
dans non angebatur modico fructu; fac quod
potes & debes ut demandatam tibi provinciam
expleas. si fructus labori respondent refer gra-
tiam & gloriam Deo: sin minus ne doleas, à DEO
quippe pendet felix rerum exitus. si votorum fieres
compos forte, humanæ gloriæ ventis agitatus naufra-
gium faceres.

3. S. Iacobus ingratam Ierusalem patriam suam re-
petiit, quæ illatâ nece labores ejus remuneravit. Ex-
spectare debes mala ab iis quos bonis cumulaisti.
Deum quærentes nunquam deficiunt afflictiones, &
tolerantiae: at præsens infelicitas argumentum est fu-
turæ felicitatis. *Quarunt tribulationes & necessitates ju-
stum, invenitur cui corona debetur.* Ambros.

S. ANNA MATER B. V. MARIAE.

26 Julii.

*Non potest arbor bona malos fructus
facere, neque arbor mala bonos
fructus facere.* Matt. cap. 7.

Nobili-